



Broj: 03-06-04-5587-36/22  
Sarajevo, 21.03.2022. godine

## SKUPŠTINA KANTONA SARAJEVO Predsjedavajući Skupštine, Elvedin Okerić

### **PREDMET: Odgovor na zastupničko pitanje zastupnika u Skupštini Kantona, gosp. Samira Suljevića**

Na nastavku 48. Radne sjednice Skupštine Kantona Sarajevo, održanoj 22.02.2022. godine, zastupnik u Skupštini Kantona, gosp. Samir Suljević postavio je slijedeće zastupničko pitanje:

*"1. Upitom sindikalne organizacije JP TV SA Upravi, od 15.02.2022. godine, o razlogu ne isplaćivanja povećanja plata Uprava je odgovorila aktom 01-212/22 od 19.02.2022. godine i nije dala odgovor na traženo, ali između ostalog navela:*

*" Uprava je postojeću sistematizaciju u potpunosti prilagodila stručnoj spremi i radnom iskustvu uposlenika bez obzira što značajan broj nema adekvatnu stručnu spremu, niti je stekao iskustvo kojima je kompenzirao nedostatak formalnog obrazovanja" Ne razumijem šta ovo znači?*

*Još više mi ništa nije jasno kada se uzme u obzir da među četvero uposlenika, sa najvećom platom u JP TV SA (po novom Pravilniku) je dvoje sa VSS 180 ECTS bodova, a da skoro svi uposlenici sa smanjenom platom su dugogodišnji radnici JP Tv Sa, sa VSS 240 ECTS bodova i više.*

*Pošto znam da ste o svemu obavješteni, pitam Vas: Da li smatrate da li ima osnova tvrdnja da je sistematizacija učinjena nesihronizovano, bez postojanja ikakvih kriterija u određivanju koeficijenata u platnim razredima, te sa preklapanjem radnih mjesta i obaveza?*

*2. Imajući u vidu naprijed navedeno, a naročito upitnost ispravnosti poteza Uprave u vezi povećanja plata, Pravilnika, sistematizacije kao i smanjenja plata za 7 uposlenika, a radi se o dominantno osobama preko 50 godina starosti, sa izvjesnim sudskim procesima, te drugim procesima koji su u toku ili su netom okončani, pitam Vas smatrate li da je došlo vrijeme da se u JP TV SA uputi inspekcija i to ne ona koja će reći poznato: Mi nismo nadležni, ili da se vi ministrice uključite u rješavanje nagomilanih problema u ovom preduzeću, jer na kraju krajeva ovo JP pripada Vašem resoru i snosite dio odgovornosti da rad istog, te da se ne ponašamo sutra na način, NISMO ZNALI?*

*Odgovornost snosimo svi. I Vlada i Skupština. Nisu nas interesovala anonimna pisma radnika. Niti vapaji uposlenika, niti pisma Vijeća uposlenika, niti stavovi sindikata.*

*A svi smo sve znali."*



## ODGOVOR

Ministarstvo pravde i uprave Kantona Sarajevo nema nadležnost za preispitivanje Pravilnika o radu Javnog preduzeća "Televizija Kantona Sarajevo" d.o.o. Sarajevo, iz razloga što je članom 118. Zakona o radu ("Službene novine Federacije Bosne i Hercegovine", br. 26/16 i 89/18) propisano da poslodavac donosi i objavljuje pravilnik o radu, kojim se uređuju plate, organizacija rada, sistematizacija radnih mjesta, posebni uslovi za zasnivanje radnog odnosa i druga pitanja značajna za radnika i poslodavca u skladu sa zakonom i kolektivnim ugovorom.

Ministarica je na inicijativu Vijeća uposlenika Javnog preduzeća "Televizija Kantona Sarajevo" d.o.o Sarajevo održala sastanak, na kojem je konstatovano, da postoji spremnost za pregovaranje radi zaključivanja posebnog kolektivnog ugovora, imajući u vidu specifičnu djelatnost koja se obavlja u ovom preduzeću.

Po pitanju inspeksijskog nadzora, obavještavamo Vas, da je Kantonalnoj upravi za inspeksijske poslove dostavljen Pravilnik o radu Javnog preduzeća "Televizija Kantona Sarajevo" d.o.o. Sarajevo, u smislu utvrđivanja eventualnih kršenja odredaba zakona, a dana 03.02.2022. godine, dostavljen je odgovor Kantalnog inspektorata rada, akt broj: UP-1-14-09-30-01114/22-09/34 u kojem se navodi da navedeni inspektorat nije nadležan za postupanje, uz obrazloženje da je u smislu člana 118. stav (4) Zakona o radu propisano, da sindikat odnosno vijeće zaposlenika može od nadležnog suda zatražiti da nezakonit pravilnik o radu ili neke njegove odredbe oglasi nevažećim, uz napomenu da je na okolnost provođenja procedure donošenja novog Pravilnika o radu predmetnog preduzeća već ranije izvršen inspeksijski nadzor od strane postupajućeg inspektora rada, te da tom prilikom nisu utvrđene nepravilnosti.

S poštovanjem,

Dostaviti:

1. Naslovu;
2. Stručna služba Vlade Kantona;
3. Evidencija;
4. U spis.

